

ওটিটিতে রিলিজ পাচ্ছে অসুর সিজন ২

অবশেষে রিলিজ পেলো ‘অসুর’ ওয়েব সিরিজের দ্বিতীয় সিজন আর ঈদের এক সপ্তাহ আগে আসছে বিদ্যা সিনহা মিমের ‘মিশন হান্টাউন’। প্রতিমাসে রিলিজ পাচ্ছে ওটিটি প্ল্যাটফর্মে নতুন নতুন কনটেন্ট। দেশের ওটিটি প্ল্যাটফর্মের পাশাপাশি বিদেশি ওটিটি প্ল্যাটফর্মে রিলিজ পাচ্ছে নতুন কনটেন্ট। দর্শকদের মাঝে আলোচনায় থাকা ওটিটি কনটেন্ট, রিলিজ পাওয়া নতুন কনটেন্ট ও মুক্তির অপেক্ষায় থাকা কনটেন্টের খবর জানাচ্ছেন গোলাম মোর্শেদ সীমান্ত।

অসুর ২ - জিও সিনেমা



২০২০ সালে ‘অসুর’ ওয়েব সিরিজ মুক্তির পর হৈ-ছল্লোড়া পড়ে যায় গোটা ভারতে। ক্রাইম থ্রিলার ঘরানার ওয়েব সিরিজটির দ্বিতীয় সিজন নিয়ে দর্শকদের ছিল বাড়তি উন্মাদনা। তিন বছরের অপেক্ষার অবসান হয় জুনের প্রথম সপ্তাহে কিন্তু মুশকিল ছিল একটা। ‘ওয়ান এপিসোড পার ডে’ এই নীতি অবলম্বন করে প্ল্যাটফর্মটি। ১ জুন ‘অসুর ২’ ওয়েব সিরিজের প্রথম দু’টি এপিসোড মুক্তি দেয়। কোটি কোটি দর্শক

অপেক্ষায় ছিলেন এই সিরিজটা নিয়ে। ৮ পর্বের ওয়েব সিরিজটি নির্মাণ করেছেন অনি সেন। প্রথম সিজনের গল্প যেখান থেকে শেষ হয়। সেখান থেকে শুরু দ্বিতীয় কিস্তি। এবার ফ্রিতে দেখা যাবে জিও সিনেমাতে ‘অসুর ২’ ওয়েব সিরিজটি।

ব্ল্যাক নাইট - নেটফ্লিক্স

১২ মে নেটফ্লিক্সে রিলিজ পায় ‘ব্ল্যাক নাইট’ ওয়েব সিরিজটি। মুক্তির মাত্র তিন দিনের ব্যবধানে নেটফ্লিক্সের অ-ইংরেজিভাষী সিরিজের বৈশ্বিক তালিকার শীর্ষে উঠে আসে দক্ষিণ কোরিয়ার বৈজ্ঞানিক কল্পকাহিনিনির্ভর ‘ব্ল্যাক নাইট’ ওয়েব সিরিজ। দক্ষিণ কোরিয়ার লেখক লি ইয়ুন গিয়ানের একই নামে প্রকাশিত কমিক সিরিজ অবলম্বনে সিরিজটি নির্মাণ করেছেন চো ওই সোক। এতে ২০৭১ সালের এক কল্পিত দুনিয়াকে তুলে ধরা হয়েছে। গল্পে দেখা যাবে, মারাত্মক বায়ুদূষণের কবলে মানুষের জীবনযাত্রা দুর্বিষহ হয়ে ওঠে। ঘর থেকে বের হওয়া দুষ্কর হয়ে পড়ে, বের হলেও অক্সিজেন মাস্ক পরতে হয়। সিরিজে একজন ডেলিভারি ম্যান চরিত্রে অভিনয় করেছেন কিম ও বিন। সিরিজে আরও আছেন কং ইউ সোক, সং সিউং হিউন, এসোম সহ আরো অনেক কোরিয়ান অভিনয়শিল্পী। ৬ পর্বের ওয়েব সিরিজটি উপভোগ করতে পারেন।



মিশন হান্টাউন - হইচই

ঈদ উপলক্ষে ভারতীয় ওটিটি প্ল্যাটফর্ম হইচই-তে মুক্তি পাচ্ছে ওয়েব সিরিজ ‘মিশন হান্টাউন’। অ্যাকশন থ্রিলারধর্মী এই সিরিজে গুরুত্বপূর্ণ চরিত্রে অভিনয় করেছেন এফএস নাঈম ও বিদ্যা সিনহা মিম। সিরিজটি যৌথভাবে পরিচালনা করেছেন সানী সানোয়ার ও ফয়সাল আহমেদ। সিরিজে ‘মাহিদ’ চরিত্রে অভিনয় করেছেন এফএস নাঈম। যিনি অ্যান্টি-টেররিজম ইউনিটের অতিরিক্ত এসপি। ‘নীরা’ চরিত্রে অভিনয় করেছেন বিদ্যা সিনহা মিম। যিনি পছন্দের মানুষকে বিয়ে করেন। আশা ছিল, সুখে-শান্তিতে কাটবে সংসার অধ্যায়। কিন্তু নিয়তির চাল ভিন্ন। বিয়ের দুই মাস পরই স্বামী নিখোঁজ। এরপর মাহিদ ও নীরা একসাথে এর পিছনের আসল রহস্য খুঁজে বের করার মিশনে নামে। এমনই টানটান উত্তেজনায ঘেরা সিরিজটি রিলিজ পাচ্ছে ২২ জুন হইচই-তে।



সির্ফ এক বান্দা কাফি হ্যায় - জি ফাইভ

সিনেমা হোক কিংবা ওয়েব সিরিজ, মনোজ বাজপেয়ী একাই একশো। ‘সির্ফ এক বান্দা কাফি হ্যায়’ ওয়েব ফিল্মে অভিনয় দিয়েই দর্শকের ধরে রেখেছেন পুরোটা সময়। নাবালিকাকে ধর্ষণের দায়ে যাবজ্জীবন কারাদণ্ড হয়েছে

‘ধর্মগুরু’ আসারাম বাপুর। আসারাম বাপুর বাস্তব ঘটনা অবলম্বনে নির্মিত হয়েছে ওয়েব

ফিল্মটি। সিনেমায় দেখা যায় যৌন নির্যাতনের শিকার এক নাবালিকা। অভিযোগের তীর এক স্বঘোষিত ধর্মগুরুর বিরুদ্ধে। ওই নাবালিকার হয়েই আদালতে সওয়াল করেন এক আইনজীবী। তার নাম পিসি সোলান্দি। সেই চরিত্রেই অভিনয় করেছেন গুণী অভিনেতা মনোজ বাজপেয়ী। যৌন নির্যাতনের ঘটনার নেপথ্যের সত্য সবার সামনে তুলে ধরতে বন্ধপরিচর তিনি। এক সাধারণ আইনজীবীর এই অসাধারণ লড়াইয়ের আধারেই তৈরি ‘সির্ফ এক বান্দা কাফি হ্যায়’ ছবিটি। ২৩ মে মুক্তি পেয়েছে অপূর্ব সিং কারকি পরিচালিত সিনেমাটি। ২ ঘণ্টা ১২ মিনিট দৈর্ঘ্যের কোর্ট রুম ড্রামাটি দেখতে পারেন জি-ফাইভ প্ল্যাটফর্মে।



সদরঘাটের টাইগার ২ - বিজ্ঞ

২০১৯ সালে সুমন আনোয়ারের পরিচালিত 'সদরঘাটের টাইগার' ওয়েব সিরিজ ব্যাপক জনপ্রিয় ও আলোচিত হয়। দীর্ঘদিন পর ২৫ মে দেশীয় ওটিটি প্ল্যাটফর্ম 'বিজ্ঞ'-এ মুক্তি পায় দ্বিতীয় সিজনে। দেড় ঘণ্টা দৈর্ঘ্যের ওয়েব সিরিজটি সাজানো হয়েছে ছয় পর্বে। প্রথম সিজনে যেখানে শেষ সেখান থেকেই শুরু হয় দ্বিতীয় সিজনের। এবারের গল্প দুর্গাপুরে। এবারের গল্প মানব পাচারকে কেন্দ্র করে। শ্যামল মাওলা ও ফারহানা হামিদ ছাড়াও এতে অভিনয় করেছেন আরমান পারভেজ মুরাদ, আরফান মুধা শিবলু, আমিনুর রহমান মুকুল, এ কে আজাদ সেতু সহ আরো অনেকে। বিশেষ এক চরিত্রে দেখা যায় সোহেল মন্ডলকে। সিরিজ যেখানে সমাপ্ত হয়েছে তৃতীয় সিজনের আভাস দিয়েছেন নির্মাতা।



নষ্টনীড় - হইচই

নারী কেন্দ্রিক গল্পে নির্মিত হয়েছে ওয়েব সিরিজ 'নষ্টনীড়' যা নির্মাণ করেছেন অদিতি রায়। ছোট পর্দা থেকে রূপালি পর্দার পাশাপাশি ওটিটি প্ল্যাটফর্মে বেশ জনপ্রিয়তা লাভ করেছেন অভিনেত্রী সন্দীপ্তা সেন। ওয়েব সিরিজের মুখ্য চরিত্রে 'অপর্ণা'র ভূমিকায় অভিনয় করেছেন তিনি। তার স্বামী ঋষভের ভূমিকায় দেখা যাবে সৌম্য বন্দ্যোপাধ্যায়কে। এছাড়াও 'নষ্টনীড়' ওয়েব সিরিজে অঙ্গনা রায় অভিনয় করছেন গোখুলি চরিত্রে,

অনিন্দ্য চট্টোপধ্যায়কে দেখা যাবে সৌম্যর ভূমিকায়, অন্যদিকে রুকমা রায় রয়েছেন নন্দিতা চরিত্রে। ওয়েব সিরিজের গল্প লিখছেন সম্মাত্রী বন্দ্যোপাধ্যায়। ওয়েব সিরিজের গল্প এগিয়ে যাবে অপর্ণাকে কেন্দ্র করে। অপর্ণার ধ্যান, জ্ঞান আর জীবন পরিবারকে ঘিরে। এক ঝটকায় পাশ্চাত্য যাব অপর্ণার জীবন। মূলত এই গল্পকে কেন্দ্র করে নির্মিত হয়েছে ওয়েব সিরিজটি। ৯ জুন ভারতীয় ওটিটি প্ল্যাটফর্মে রিলিজ পাচ্ছে সিরিজটি।

দ্য টেইলর - নেটফ্লিক্স

নেটফ্লিক্সে তুর্কি ওয়েব সিরিজ 'দ্য টেইলর' রিলিজ পাওয়ার পর তুমুল সাড়া ফেলে সারাবিশ্বে। বাংলাদেশ থেকে ভারত, ব্রাজিল থেকে আর্জেন্টিনা, জার্মানি থেকে স্পেনসহ নানান দেশের দর্শক তুর্কি ওয়েব সিরিজ 'দ্য টেইলর' দেখার জন্য ছমড়ি খেয়ে পড়েছিলেন। রিলিজের পর নেটফ্লিক্সের অ-ইংরেজিভাষী সিরিজের বৈশ্বিক তালিকার শীর্ষে উঠেছিল সিরিজটি। এক তরুণ দর্জির জীবনের গল্পে সিরিজটি নির্মাণ করেছেন নির্মাতা জেম কারজি। গল্পে দেখা যায়, পিয়ামি ডুকুমেজি নামের এক তরুণ দর্জি অল্প সময়ের মধ্যেই পরিচিতি পায়; যে তার দাদার কাছ থেকে উত্তরাধিকার সূত্রে সেলাইয়ের কাজ শিখেছে। সত্য ঘটনা অবলম্বনে নির্মিত এ সিরিজে দর্জি চরিত্রে অভিনয় করেছেন জনপ্রিয় তুর্কি অভিনেতা চাগাতায় উলুসয়।



রাজনীতি - হইচই

রাজনীতি ছাড়া সবই অচল। এবার ভারতীয় ওটিটি প্ল্যাটফর্ম হইচই-তেও ঢুকে পড়ল সেই রাজনীতি। মানে, গদি দখলের লড়াই নিয়ে সৌরভ চক্রবর্তী নির্মাণ করেছেন ওয়েব সিরিজ 'রাজনীতি'। ২৬ মে মুক্তি পেয়েছে ৭ পর্বের ওয়েব সিরিজটি। রিজপুরের মুকুটহীন রাজা রথীন ব্যানার্জির ভূমিকায় অভিনয় করেছেন কৌশিক গঙ্গোপাধ্যায়। রথীন চান তার এই একচ্ছত্র সাম্রাজ্যের অধিকারিনী হোক তার একমাত্র কন্যা রাশি। রাশির চরিত্রে অভিনয় করেছেন দিত্তিপ্রিয়া রায়। দিত্তিপ্রিয়ার মায়ের চরিত্রে অভিনয় করেছেন কনীনিকা বন্দ্যোপাধ্যায়। দিত্তিপ্রিয়ার প্রেমিকের চরিত্রে থাকছেন অর্জুন চক্রবর্তী। রাশি কি পারবে ক্ষমতাকে নিজের মুঠোয় ধরে রাখতে? এটা জানতে দেখুন ওয়েব সিরিজটি।



স্কুপ - নেটফ্লিক্স

২০১১ সালের ১১ জুন। বিশিষ্ট ইনভেস্টিগেটিভ জার্নালিস্ট জ্যোতির্ময় দে গুরফে জে দে-কে প্রকাশ্য দিবালোকে খুন করা হয়। ঘটনায় চাঞ্চল্য ছড়িয়েছিল দেশে। ওই খুনের অভিযোগ ছিল কুখ্যাত গ্যাংস্টার ছোট্ট রাজনের বিরুদ্ধে। তাকে সাহায্য করার অভিযোগে সাংবাদিক জিগনা ভোরাকে গ্রেপ্তার করা হয়। তার বিরুদ্ধে অরগানাইজড ক্রাইমের সঙ্গে যুক্ত থাকার অভিযোগও ছিল। দীর্ঘ

লড়াইয়ের পর জিগনা প্রমাণ করেছিলেন তিনি অন্ধকার জগতের সঙ্গে যুক্ত নন। এই রিয়েল লাইফ স্টোরিকে কেন্দ্র করেই 'স্কুপ' সিরিজটি নির্মাণ করেছেন পরিচালক হনসল মেহতা। সত্য ঘটনা নিয়ে লেখা সাংবাদিক জিগনা ভোরার 'বিহাইন্ড দ্য বারস ইন বাইকুল্লা' বই থেকে নির্মিত হয়েছে সিরিজটি। ছয় পর্বের ওয়েব সিরিজটি ২ জুন নেটফ্লিক্সে মুক্তি পেয়েছে। ভারতের মুম্বাই শহরে এক অনুসন্ধানী সাংবাদিকের মৃত্যুকে ঘিরে এগিয়েছে গোটা সিরিজের গল্প।

দাহাড় - অ্যামাজন প্রাইম ভিডিও

'দাহাড়' ওয়েব সিরিজের শ্রেষ্ঠাঙ্গট ভারতের একটি গ্রাম। গণশৌচাগারে একের পর এক পাওয়া যাচ্ছে নারীর মৃতদেহ। সেখানকার এক থানায় সাব-ইন্সপেক্টর হিসেবে কর্মরত অঞ্জলী ভাটি (সোনাক্ষী)। রহস্যের কিনারা করতে এগিয়ে আসেন সাব ইন্সপেক্টর অঞ্জলি ভাটি। এই অঞ্জলির চরিত্রেই ওয়েব সিরিজে অভিনয় করেছেন সোনাক্ষী সিনহা। এই ওয়েব সিরিজে অভিনয়ের মাধ্যমেই ওটিটির দুনিয়ায় পা রাখলেন এই অভিনেত্রী। ওটিটি প্ল্যাটফর্মে সিনহা কন্যার প্রথম সিরিজ। আট পর্বের সিরিজটি নিয়ে হাজির হয়েছেন রীমা কাগতি ও জোয়া আখতার। এ ছাড়া সিরিজটিতে অভিনয় করেছেন গুলশান দেবাইয়া, বিজয় ভার্মা, সোহম শাহ সহ আরো অনেকে। ১২ মে আমাজন প্রাইমে মুক্তি পেয়েছে সিরিজটি।

